

R. Feiste Datteln/

Weinbeerlein jedes ein handvoll.

Fœnugræcum.

Anisamen/ jedes ein halb vnk/ sieds  
in 2. pfundt Wassers bis auff die helfftel/  
mach mit 4. vnk Zucker vnd gelauterten  
Honig ein Loch/ Morgendts auff einer  
Messerspiz einzuschlingen.

Cap. 132-

Wann ein Catharr vom Hâupt  
auff die Brust/ Lunge vnd Lufftrohr sel-  
set/ daher dann kurzer Athem  
vnd Husten entste-  
het.

Allhie muß man achtung geben auff  
das Alter des Patienten/ vnd weil solcher  
Catharr den Kindern wegen ihrer ober-  
flüssigen Feuchtigkeit / leichtlich zustes-  
het/ ist erstlich nötig anzuzeigen / was in  
solchem blöden vnd zartem Alter zuge-  
brauchen.

R. Leinsamer/ zerstoß den/ weiche ihn  
in geleutertem Honig/ vnd gib dem Kind  
davon oft zu leckē/ diß führet den schleim

3 3

auff/